

Uvjerena sam da se od proizvodnje gljiva može solidno živjeti jer sam se i do sada amaterski bavila gljivarstvom dok ću sada uz pomoć Instituta moći značajno poboljšati svoj rad i prinos.

Institut za razvoj mladih KULT je 9. januara 2015. g. s gđom Sabirom Bilić potpisao **ugovor o dodjeli granta**

kao vid donacije za obnavljanje preduzetničkog poduhvata, kojim se bavila i prije stradanja u poplavama iz 2014. g., a to je uzgoj gljiva.

Porodice iz poplavljenih područja Bosne i Hercegovine još se bore za preživljavanje. Humanitarna pomoć bila je nužna u najtežim vremenima neposredno nakon poplava. Danas građani i građanke Bosne i Hercegovine iz poplavljenih područja razmišljaju o samoodrživosti i pokretanju vlastitog posla kako bi došli do materijalnih sredstava neophodnih za normalan život. Zbog toga je Institut za razvoj mladih KULT današnjim potpisivanjem ugovora o dodjeli granta za adaptaciju prostora za uzgoj gljiva porodici Bilić iz Maglaja napravio još jedan konkretan korak koji je pomogao razvoju života dostojnog čovjeka u poplavljenim područjima Bosne i Hercegovine.



Institut za razvoj mladih KULT je tokom majskih poplava kroz akciju „NE SMIJEMO STATI“ pružao direktnu pomoć ljudima iz poplavljenih područja u Bosni i Hercegovini. Kako se akcija već i zove „NE SMIJEMO STATI“, mi zapravo nikada i nismo stali te smo sigurni da i nećemo stati. Naša vizija je primarno pomoći ljudima iz poplavljenih područja, ali ne samo kroz humanitarnu pomoć nego osiguravajući da naša podrška bude održiva. Tako će ljudi sami sebi moći osigurati egzistenciju i zaraditi hljeb. Naša pomoć je trenutno fokusirana na porodicu Bilić iz Maglaja u kojoj smo prepoznali preduzetnički potencijal i mislimo da kroz našu pomoć, a ne samo kroz sredstva nego i savjetodavnu pomoć, možemo porodici Bilić pomoći da osiguraju značajan izvor sredstava u budućnosti te se nadamo da ćemo u daljnjem periodu osigurati i sredstva za dodatne poticaje, istakao je Jasmin Bešić, direktor Instituta.

Porodica Bilić samo je jedna od egzistencijalno ugroženih porodica iz Maglaja kojima su poplave uništile sve materijalne i tehničke uvjete za život. Zbog toga je Institut odlučio pomoći porodici Bilić osiguravši građevinski materijal te izvedbene radove u prostoru koji će članovima spomenute porodice poslužiti za uzgoj i proizvodnju gljiva od čije će prodaje osigurati sredstva za život.

Gljivarstvom se zaista želimo profesionalno baviti kako bismo svojim ukućanima donijeli sredstva za život. Uvjerena sam da se od proizvodnje gljiva može solidno živjeti jer sam se i do sada amaterski bavila gljivarstvom dok ću sada uz pomoć Instituta moći značajno poboljšati svoj rad i prinos. Sigurna sam da će proizvodnja poučiti dobar rod te da će biti mnogo zainteresiranih za naše proizvode. Sada trebamo dodatno urediti već postojeći objekt namijenjen za uzgoj gljiva, učiniti ćemo sve da ga uredimo zajedničkim snagama, a kada postoji volja i želja uspjeh je realnost koja se teško može izbjeći, nakon potpisivanja naglasila je potpisnica ugovora Sabira Bilić.

Članovi porodice Bilić su primarno nezaposleni a trenutno borave u hladnim i neuvjetnim prostorijama privremenog smještaja u Maglaju, koji je neprilagođen za život dostojan čovjeka. Kako su članovi porodice Bilić i maloljetna djeca uzrasta od 12 i 15 godina, ovakav poticaj je od iznimnog značaja i za njihovo odrastanje i razvoj.

Nadam se da će mama i tata uspjeti u ovoj svojoj namjeri, oni zaista vrijedno rade, moj brat i ja im pomažemo koliko možemo i kada imamo vremena jer moramo ići i u školu. Znam da mnogi nisu probali naše gljive, ali mamina pica s gljivom bukovačom je super i uvijek sam radosna kada je mama napravi. Moj brat više voli burek s gljivama koji je specijalitet u našoj kući, istakla je najmlađa članica porodice Lamija Bilić.

Primarno je poticati samoodržive inicijative stanovnika poplavljenih područja BiH

Autor Tarik

Petak, 09 Januar 2015 14:46

Članovi porodice Bilić su spremni za rad i samoprivredivanje koje će im omogućiti bolje uvjete za život, adaptaciju smještajnog objekta i normalan rast i razvoj djece.